

समे – 12:25

<><><><><><>

J&K Speaker

जम्मू-कश्मीर केन्द्र शासित प्रदेश दी विधानसभा दा पैह्ला पैह्ला इजलास अज्जै थमां श्रीनगर च शुरु होई गेदा ऐ। नेशनल कांफ्रेंस दे वरिष्ठ नेता अब्दुल रहीम राथर होरें'गी सब्बनें दी सैह्मति कन्नै विधानसभा दा स्पीकर चुनेआ गेआ ऐ। राथर होर एह्दे शा पैहले जम्मू-कश्मीर च बतौर खजाना मंत्री बी अपनियां सेवां देई चुके दे न। मुख्यमंत्री ओमर अब्दुल्ला होरें अब्दुल रहीम राथर होरें'गी असैम्बली दा स्पीकर चुने जाने पर मुबारकबाद दित्ती ऐ। उनें आखेआ जे उनें'गी इस गल्लै दी खुशी ऐ जे स्पीकर दे औह्द्वे लेई राथर हुंदे नांS दा कुसै नै बी बरोध नेई कीता ते सब्बनें दी सैह्मति कन्नै उनें'गी स्पीकर चुनेआ गेआ ऐ।

<><><><><><>

LG Assembly address

लेफ्टिनेंट गवर्नर मनोज सिन्हा होरें जम्मू-कश्मीर केन्द्र शासित प्रदेश दी विधानसभा दे पैहले-पैहले इजलास गी अज्ज संबोधित कीता। इस मौके उनें आखेआ जे ओह जम्मू-कश्मीर दा राज्य दा दर्जा ब्हाल करने ते प्रदेश दे लोकें दे सशक्तिकरण लेई ओमर अब्दुल्ला हुंदे सरकार दे प्रस्ताव गी अपना पूरा समर्थन दिंदे न। उनें आखेआ जे प्रधानमंत्री नरेन्द्र मोदी होर बी केई बारी जम्मू-कश्मीर दा राज्य दा दर्जा ब्हाल करने दा वचन देई चुके दे न। एह्दे अलावा उनें प्रदेश च खेड्डे सरबन्धी ढांचे गी तगड़ा बनाने दी गल्ल बी आखी। मुकामी कारीगरें दे हुनर गी बढ़ावा देने लेई उनें आखेआ जे प्रदेश दे हथखड्डी सैक्टर गी बी पक्क गै उबड़ा चुक्केआ जाह्ग।

<><><><><><>

Assembly Art 370

जम्मू-कश्मीर केन्द्र शासित प्रदेश दी विधानसभा दे अज्ज पैहले इजलास दे पैहले गै दिन पीडीपी दे विधायक वहीद उर रहमान परां होरें दफा 370 गी ब्हाल करने दा प्रस्ताव सदन च पेश कीता जेह्दे च बीजेपी दे विधायकें त्रिक्खा बरोध जाह्र कीता। बीजेपी दे विधायकें

स्पीकर होरें'गी गुजारिश कीती जे ओह् इस प्रस्ताव गी खारिज करी देन। उआं स्पीकर होरें आखेआ जे ओह् एह्दी जांच करियै मगरा इस पर कोई फैसला लैउन। इस दरान सदन च हंगामे दी स्थिति बनी दी रेई।

<><><><><><>

PM Jharkhand

प्रधानमंत्री ते बीजेपी दे वरिष्ठ नेता नरेन्द्र मोदी हुंदा बीजेपी दी अगुवाई आहले एनडीए मेदवारें दे हक्कै च समर्थन जुटाने लेई अज्ज झारखंड च द'ऊं चुनावी रैलिएं गी संबोधित करने दा कार्यक्रम ऐ। पैहले रैली घरवा च होआ करदी ऐ जिसलै के दुई रैली दपैहरी मगरा चायबासा च होनी ऐ। झारखंड च असैम्बली चुनाएं दे ऐलान दे मगरा अज्ज प्रधानमंत्री होर पैहली बारी उत्थे चुनावी रैलियां करै करदे न। झारखंड च असैम्बली दे चुनां द'ऊं चरणें 13 नवम्बर ते 20 नवम्बर गी करोआए जाने न।

<><><><><><>

Railway Minister

रेल मंत्री अश्विनी वैष्णव होरें आखेआ जे नमीं तकनीकें दे इस्तेमाल, नमीं आधुनिक ट्रेनें दी शुरूआत ते अगले ब'रे बिजलीकरण पूरा होने दे कन्नै गै देशभरै च अगले 5एं थमा 7एं ब'रें अंदर रेल यात्रा दे अनुभव च बड्डे बदलाव होने आहले न। वैष्णव होर कल संज्ञां कोझिकोड च इक मीडिया कार्यक्रम दा उद्घाटन करै करदे हे। उनें आखेआ जे अमृत भारत स्टेशन पुनर्विकास योजना दे तैहत् इक लक्ख करोड़ रुपें दी लागत कन्नै 1 ज्हार 334 स्टेशनें दा परतियै विकास कीता जा करदा ऐ, जिंदे चा 1100 स्टेशनें पर निर्माण कम्म प्रगति पर ऐ। उनें आखेआ जे भारत दी बड्डी रचनात्मक समर्थ दा इस्तेमाल करने लेई सरकार देशै दे बक्ख-बक्ख हिस्से च भारती रचनात्मक प्रौद्योगिकी संस्थान दी श्रृंखला स्थापित करने दी योजना बना करदी ऐ। उनें ऐलान कीता जे कोझिकोड रेलवे स्टेशन दे नेडे सूचना टेक्नोलाजी दा केंद्र विकसित कीता जाग जेह्दे लेई 5 कमांह रेलवे जिमीं दी पन्छान कीती गेई ऐ।

<><><><><><>

Festival Trains

भारती रेलवे आसेआ अज्ज दिल्ली एनसीआर थमां मुख्खै दे बक्ख-बक्ख हिस्सें लेई 25 विशेष ध्यारी रेलगडिडयां चलाइयां जा करदिआं न। इंदे च सहरसा, वाराणसी, अयोध्या, लखनऊं, पटना, मुजफ्फरपुर, गोरखपुर, प्रयागराज, दरभंगा, इन्दौर ते थिरुवनन्तपुरम स्टेशन शामिल न। रेलवे मूजब, छठ पूजा दरान लोकें दी बवस्थित ढंगै सिर आओजाई लेई जंदी 2 नवम्बर शा लेइयै औंदी 8 नवम्बर तगर 145 बाद्दू विशेष रेलगडिडयां चलाइयां जा करदिआं न।

<><><><><><>

Accident

जंदी चिरें रातीं खलैनी नाले कश होए दे सिड़क हादसे च द'ऊं सक्के भ्राएं दी मौत होई गई। मारे गेदे दौने भ्राह् जरनैली सिड़के ते ढांचागत विकास सरबन्धी राश्ट्री कारपोरेशन एनएचआईडीसीएल लेई कम्म करदे हे ते डोडा थमां खलैनी अपने घरै गी परतोआ करदे हे जिसलै उंदी गड्डी सिड़के थमां रूलकियै हेठ इक गैहरा खाई च जाई डिग्गी। दौनें जनें दी मौके पर गै मौत होई गई। उंदी पन्छान खलैनी दे बसनीक 28एं ब'रें दे मुकेश ते 24एं ब'रें दे पवन दे तौर पर कीती गई ऐ। पुलसै इस सरबन्धै च मामला दर्ज करियै अगो दी कार्रवाई शुरू करी दिती ऐ।

<><><><><><>

DC Jal Jeevan

पुंछ दे डिप्टी कमीशनर विकास कुंडल होरें कल बनवत गुंडी नाईयां दा दौरा लाइयै उत्थें जल जीवन मिशन दे जारी कम्में दा निरीक्षण कीता। अपने दौरे दरान डिप्टी कमीशनर होरें गी दस्सेआ गेआ जे इस योजना तैह् तकरीबन सब्बने परोआरें गी पानी दे कनैक्शन देई दित्ते गेदे न। डिप्टी कमीशनर होरें पानी दिएं पाईपें, पानी दे टैंक ते होर दुए ढांचे दे कम्मकाज दा जायजा लैता ते निर्देश जारी कीते जे हर इक परोआर गी पानी पक्क गै मिलना लोड़चदा ऐ।

<><><><><><>

Kishtwar Asrar Ud Din

किश्तवाड़ च 10 नवम्बर गी लगने आले शाह असरार उद दीन साहब हुंदे सलाना उर्स लेई तैआरिएं गी मुकदा रूप देने लेई कल मैहकमा माल दे सहायक आयुक्त इदरीस लोन होरें सरबंधत मैहकमे दे अफसरें दी इक बैठक सददी। उनें उर्स गी पूरी चाल्ली रमानदारी ते बवस्था आले ढंगै सिर तोड़ चाढ़ने लेई सुरक्षा ते होर दुए सारे बंदोबस्त समें सिर करी लैने दे निर्देश दित्ते।

<><><><><><>